

Komentar OHRa u vezi sa ostavkom načelnika Doboja

Kancelarija visokog predstavnika je primila k znanju saopštenje dr. Nikole Gavrića u kojem se kaže da je podnio neopozivu ostavku sa funkcije načelnika Doboja. Dr. Gavrić je prihvatio političku odgovornost što je u općini Doboj došlo do nepoštivanja Odluke visokog predstavnika od 27. aprila 2000. godine o zabrani dodjele imovine u državnoj svojini – uključujući i zemljište koje je prethodno bilo u društvenoj svojini – osim u slučajevima za koje je odobrenje dao OHR nakon što su mu podnijeti dokazi da predložena dodjela nije diskriminatorna, te da je u najboljem interesu javnosti. U svom pismu ostavke, dr. Gavrić je priznao činjenicu da Općina nije zaustavila gradnju u Trnovu I i Trnovu II, u blizini naselja Kotorско. Ova gradnja je u suprotnosti, kako sa Odlukom visokog predstavnika o dodjeli zemljišta, tako i privremenim nalogom Doma za ljudska prava.

U općinskim zahtjevima OHRu za skidanje zabrane gradnje, davani su netačni podaci o sadašnjem vlasništvu i statusu zemljišta, o uslovima pod kojim su vršene dodjele pojedinačnim korisnicima, zakonitosti dodjele, te predratnom vlasništvu i statusu ovog zemljišta. Zabran gradnje, koju je nametnuo OHR ostaje na snazi do okončanja postupka na sudu, koji se vodi po ovom pitanju do potpunog razrješenja svih nedosljednosti u prvobitnom zahtjevu za izuzeće.

OHR je pozdravio odluku dr. Gavrića da podnese ostavku. Iako sa znatnim zakašnjenjem, ova odluka pokazuje da preovladava svijest o značaju vladavine zakona, kao i sve veće poštivanje imovinskih prava u BiH. Također, ovom odlukom se pokazuje i nova svjesnost o konačnoj odgovornosti bh. zvaničnika na svim nivoima, uključujući i općinski nivo.

Budući da su sada odgovornosti funkcije načelnika prenesene na zamjenika načelnika, gospodina Stojčinovića, OHR od njega očekuje da striktno i bezuvjetno ispoštuje Odluku od 27. aprila 2000. godine o dodjeli zemljišta na cijelom teritoriju općine Doboj, uključujući i zabranu gradnje koju je izdao OHR, a koja se odnosi na područje Kotorskog, te privremenu mjeru koju je izrekao Okružni sud u Doboju.